

تاریخ عثمانی انجمنی

مجموعہ سی

ایک آیدہ برنشر اولتور

مندرجات

علمدار مصطفی پاشا (مابعد)	افضل الدین
قرہ مصطفی پاشانک « شوپرون » اہالیسنہ بیاننامہ سی خلیل ادھم	
آناطولی تاریخچندن : حمید اوغللری	محمد عارف
قرہ دکیز - ایزمیت کورفزی قانالی	صفوت
سلجوق خاتون سلطان	احمد توحید
کل بابا	روم بك اوغلی فخرالدین
متنوعہ : مینورقہ نك فتجی	صفوت
» بروسہدہ ولد بانج جامی	محمد عارف
تفرقہ : قانوننامہ آل عثمان (ایکنجیسی)	محمد عارف

فیثانی ہ غروش

مرجی — باب عالی تاریخ عثمانی انجمنی

استانبول

الجمهورية التركية

طبعیت شالی شری

۱۳۳۰

سلجوق خاتون سلطان

چلبی سلطان محمد خان اول حضرتلرینک کریمه لریدر. خیرات و حسنات کثیره صاحبه سی برغدره پاکیزه اولوب طول عمر ایله معمره اولمشر . مشارالیه انک تاریخ تولدی و محل ولادت حقه معلومات صحیحه الیه ایده مدم . اماسیه تاریخی مؤلفی اوقاف نظارتی قیودات عتیقه عربی مترجمی حسین حام الدین افندینک ظن و تخمینته نظراً اماسیه ده و یا خود مرزيفونده سکر یوز اون برسنه سی حدودنده تولد ایتمشر .

مشارالیه ۸۲۸ تاریخده اناطولی بکلیر بکی قرهجه پاشایه تزویج اولوندی . برادرلری سلطان مراد خان ثانی حضرتلری اسفندیار بکلیر خدومی ابراهیم بکلیر کریمه لری خدیجه سلطانی تزویج ایتدکلیر هنکامده سلجوق سلطان ایله دیگر ایکی همشیره لرینک دو کونلرینی برابر اجرا ایتمشر ایدی که مشارالیه یان برینی اسفندیار زاده قاسم بکلیر و او برینی چانکدرلی زاده صدر اعظم خلیل پاشانک اوغلی محمود چلبی به تزویج ایتمشر ایدی . بوا یکی سلطانک اسملری تاریخلر مزده مذکور دکل ایسه قیودات قدیمه اوقافده بولونمقی ممکندر . محمود چلبی حلیله سی اولان سلطان مکّه مکرمه ده ارمحال داربقا ایله مشدر . [۱]

قرهجه پاشا [۲] بکرمی سنه قدر سلطان ایله همیزم اولوب سکر یوز

[۱] تاج التواریخ جلد اول صیفه ۳۲۰ و ۳۲۱

[۲] تاریخ عثمانی ده برجوق قرهجه بکلیر و پاشالر کور بیلور که الذمشهورلری شونلردر ۱ - قراجا بکلیر سکر یوز اون اوچ سنه سی شوالنده وفات ایتمشر . کلیولده مدفون اولوب بین الناس قبرینه بایراقلی بابا عزاری دنیسکده در . ۲ - وارنده شهید اولان قرهجه پاشادر . ۳ - بلفرا دده ۸۶۰ تاریخده شهید اولان طای قراجا نکدر میخالیچده مدفوندر ۴ - پاوژ سلطان سلم خان اصراسندندر . قبل الفتح ایلچیلکله مصره کوندرلش ایدی . قرهجه علمنک مختلف

قرق سکر سنہ سندہ وارنہ محاربہ مشہورہ سندہ فوق العادہ شجاعت و یارارلق کو سترمش و مرتبہ علیای شہادتہ نائل اولشدر . سلطان مشارالیا ایسہ زوج مکرملرندن صوکرہ قرق ایکی سنہ قدر دہا برحیات قاش وروش خالدن بروسدہ اقامت ایلمشدر .

شہزادہ سلطان جم بروسیہ یی ضبط ایتدیکندہ اناطولی قطعہ سنک کندیہنہ براقلماسی ایچون سلجوق خاتون سلطان مولانا ایاس و شکراللہ اوغلی احمد چلبی ایلمہ بایزید خان ثانی درکاہنہ کوندیرمش ایدی (۱۸۸۶) . سلطان مشارالیا حضور سلطان بایزید خان ثانی دہ بروجہ زیر ادارہ کلام ایتدیکی خواجہ تاریخنندہ محرردر :

« پادشاهم اولمازمی کہ جان برابر اولان برادر قاتنی دوککہ آہنک و اہل اسلام اراسندہ ایقاد نائرہ جنک ایتیمسن روم ایلی ممالکیلہ اکتفا بیوروب اناطولی ولایتک ایالتی اکا ارزانی بیورسکز . اطاعتک رقبہ سندن رقبہ سنی ہرکز اخراج ایتمز . ومن بعدراہ خلافہ کیتمز ایدی (لوکانت المشاجرة شجرآلم یثمر الاضجرا) فحواسی ضمیرمنیر پادشاهی بہ لایح وایکی شاہ عالیجہ عزم رزم ایتہ رعایا احوالی مکدر اولاجنی واضحدر . خصوصاً اول نہال نورس دخی باغ اقبال عثمانیدہ پرورس بولوب حدیقہ انیقہ نیکنامیدہ نامی اولشدر . منازعہ ملکیتہ ایچون انک کبی وجودی نابود ایتک لایق مروت و موافق فتوت دکلدر . » سلطان بایزید خان ثانی ادلہ قاطعہ ایلمہ تقسیم ممالکک مضراتنی

املاسی کتابہ لردہ اولان اصلرینہ کورہ در .

صہاد بک « تاریخ ابوالفاروق » دہ [جلداول صحیفہ ۲۹۲] قرہ جہ پاشایی اوروج پاشا طن ایتشدر . حالبوکہ اوروج پاشا وارنہ محاربہ سندن چوق زمان اول ارتحال ایتش ایدی . آیفودالبک اوغلی علی بہ شجاعتندن ناشی قرہ علی و بونک خندومی تیمور طاش پاشایہ ینہ عینی سیدن طولایی قرہ تیمور طاش دیشدر . بونلرک قرہ جہ بکی قرہ جہ پاشاسی دیہ یاد اولنماسی محتاج تدقیقہ در . بروایت شمدیکی حالہ صہاد بک قول مجردندہ قالیبور . زیرا مأخذہ ذکر ایتبور .

اثبات ايله ديكر ايلچيلرله برابر سلجوق خاتون سلطانى صرفهيا و ممززا
 بروسه يه كوندرديلر . بوقمه دن صوكره درت سنه دهامعمر اولديلر .
 سكرتوز طقسان سنه سى شوانك اون بشنجى بازار ايرته سى كوني ارتحال
 ايتمه ليله يشيل تربده بدرلى چلبى سلطان محمد خان حضرتلرينك آياق
 اوچنده دفن اولنشلردر . قبرلى صندوقسى آلچيدن اعمال ايدلمش
 وتلوين اولنمش و اشاعيده كى يازيلر ترسيم ايدلمش در .
 قبرك باش طرفده :

بسم الله الرحمن الرحيم
 قال تعالى كل نفس ذائقة الموت

صول ضلعنده :

آية الكرمى ، قسآده صاغ ضلعنده در

صاغ ضلعنك ايكنجى سطرنده :

توفت المرحومه المفورة المبرورة بانوى المعظمى سلجك خاتون بنت السلطان
 الاعظم والهاقان المكرم سلطان محمد بن السلطان الغازى بلديرم بايزيد
 اياق طرفنده :

غفرالله لهم ونورالله قبرهم
 فى يوم الاثنين خامس عشر شوال سنة تسعين وثمانماية

ادرنده سلجوق خاتون سلطانك بر مسجدى اولدينى يادى افندى
 مرحومك اترنده محرددر . مشارالیهانك بروسه در بجامع شريفى واردركه
 قپوسى اوزرنده شو كتابه موجوددر :

امرت بمارة هذا المسجد الشريف سلجوق خاتون بنت السلطان بن السلطان
 السلطان محمد بن بايزيد غازى خان خلدالله مملكته ودولته وشوكته فى [۱] خر
 رمضان المعظمه هجرية النبي عليه الصلوة والسلام من شهر سنة اربع خمسين وثمانماية

اوچنجى سترك قرائتنك درست اولماسنده شهبم واردر .
 سلجوق خاتون سلطانك اك مهم اترى بروسه در بر ساعت قدر مسا .

فده « محرابی کوپری » در. بو کوپری اوزرنده سکز یوزتمش تاریخنده
انشا اولندیغنی مین ایکی کتابه واردر. بونلردن بری کوپری اوزرنده
محراب ییچمنده کی محاک و سطنده محکوک اشبو منظومه در :

فی تاریخ هذا الخیر المبارک انعم الله لصاحبها و بارک
خیر خاتون ضعیفه سلجک نام بنت سلطان یغیکم سلطان
مستقیم اولغا صراط اوزه ارمکا روحه روحه ریحان
قلدی بو کوپری بنا بونده خوش کچا تا که ادم حیوان
ذی سعادت انوک که عالده عادتی اوله خیراله حنات
صحت اول نه جادر (جالی) کیم قلدی دردمند چون درمان
(۸۷۰) یتمشدی دخی سکز یوز هم که اولد تاریخ وضعنک ای جان
فر بولب بند کسب نیلوفر کوساحمکر [۱] کله اولدروان
کم صناسین که طغد قوس قزح یوغکن مرکز ابرله باران

(جالی) نک اسی بروسده موجود دیگر کتابه لرده ده کوریلور :
اولو جامع شریف قریبنده بلفرا دده شهید اولان قره جه پاشانک کریمه سی
خوندی خاتونک مکتبی قیوسنده کی کتابه منظومه بونلردندر. بو منظومه ده
بولونان ترکیه کله لک چوغنده حروف املا یازلامشدر. از آن جمله اوچنجی
یتیمده اوزره = اوزه یدنجی یتیمده اولدی = اولد سکزنجی یتیمده بولوب =
بولوب ، کوب = کسب ، اولدی = اولد و طقوزنجی یتیمده طوغدی =
طغد صورتنده یازلامشدر. الیوم مفعول الیه لک صوکنه (ه) یازمقده
اولد یغیز حالده بو منظومه ده (۱) یازلامشدر. اوچنجی یتیمده « مستقیم اولغه
صراط اوزره ارمکه روحه روحه ریحان » رینه « مستقیم اولغا
صراط اوزه ارمکه روحه روحه ریحان » شکلنده رسم ایدلشدر .
دیگر کتابه کوپرینک ایکی بیوک کوزینک اره سنده مرمر اوزرینه
محکوک اولوب عبارات آتیه یی محتویدر :

بناء هذا الجسر المبارك المبني باصر حضرت
ملكة الملکات اشجة لعلی سلطان الخواتین والسمادات
سلجوک خاتون بنت المرحوم السلطان محمد خان بن بایزید خان

بن مراد خان بن اورخان خان بن عثمان دامت عصمتها وعفتها
یتشددی دخی سکز یوز هم بلکه تاریخی اختم درجان

بروسه - مدانیة طریق اوزرنده کائن « نیلوفر » کوپرینده کتابه
بولامادم .

۸۷۰ تاریخلرنده املامزده حتی اعلامک املالرنده بیله اطراد اولمادینی
سلجوق علمک قبرک کتابه سیله کوپرینک منظوم کتابه بنده سلجک
وکوپرینک منشور کتابه بنده سلجوک وبروسه ده کی جامع شریفک کتابه بنده
سلجوق شکلنده یازمش اولقله مبرهندر .

وارنده بولوندینی روایت اولونان قره جه پاشا جامع وتر به سنک
کتابه لرینی الدمه ایدمه دم . بونلرده سلجوق خاتونک اثر خیری اولمالیدر.
مشارالیهانک دیکر خیراتی اولماسی مأمول قویدر. وقفیه سنی ۸۸۸ سنه سی
جمادی اولاسنک اوائلنده تنظیم ایتدیردیکنی بروسه اوقاف مخزننده
بولونان ۹۹۲ سنه مخصوص محکمه شرعیه سچلنده کوردم قیدینک
بالاسنده وقفیه نک اصلی « خزانه العامره » ده اولدینی یازیلیدر .

قره جه پاشانک انقرده خیراتی واردر . کلیولی ده کی تکیه ۸۱۳
تاریخنده ارتحال ایدن قره جه بکک اولماسی محتملدر .

احمد توحید